

U G O V O R

za usluge štampanja Zbornika radova sa Međunarodne konferencije „Ustavni sud između negativnoga zakonodavca i pozitivnoga aktivizma“

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine (u daljem tekstu: **Naručilac**)

i

„ŠTAMPARIJA FOJNICA“ d.d., Prokoški put bb, Fojnica, ID broj 4236045660000, koga zastupa Šehzija Buljina, direktor (u daljem tekstu: **Izvršilac**)

Član 1.

Predmet ovog ugovora je štampanje Zbornika radova sa Međunarodne konferencije „Ustavni sud između negativnoga zakonodavca i pozitivnoga aktivizma“ prema ponudi Izvršioca broj 173/15-2 od 15. jula 2015. godine, koja je sastavni dio ovog ugovora.

Član 2.

Cijena za štampanje Zbornika radova sa Međunarodne konferencije „Ustavni sud između negativnoga zakonodavca i pozitivnoga aktivizma“ prema ponudi Izvršioca iznosi 3,20 KM za jedan primjerak publikacije, 960,00 KM za tiraž od 300 komada, bez uračunatog PDV-a odnosno 1.123,20 KM sa uračunatim PDV-om.

Član 3.

Naručilac se obavezuje da će Izvršiocu dostaviti pripremu materijala za štampanje na CD-u.

Izvršilac se obavezuje da će publikacija u potpunosti odgovarati traženim tehničkim elementima iz zahtjeva-poziva Naručioca za dostavljanje ponuda broj P3-313/15 od 9. jula 2015. godine.

Izvršilac se obavezuje da će izvršiti poslove štampanja i isporuke publikacije iz člana 1. ovog ugovora najkasnije 20 dana od dana zaključenja ugovora.

Izvršilac posla obavezuje se da će tražiti odobrenje od Naručioca za svaki korak tokom procesa rada. Prije samog štampanja publikacije Izvršilac je dužan dostaviti primjerak na uvid, i tek ukoliko Naručilac odobri, publikacija je spremna za štampanje. U protivnom, Naručilac će vratiti publikaciju na ponovno štampanje o trošku Izvršioca.

Član 4.

Izvršilac se obavezuje da će po obavljenom poslu izvršiti isporuku publikacije na adresu Naručioca - Reisa Džemaludina Čauševića broj 6, III sprat..

Izvršilac se obavezuje da će dostaviti fakturu na osnovu otpremnice potvrđene od strane Naručioca da je robu preuzeo.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po isporuci publikacije bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima BiH.

Član 6.



Sve eventualne sporove ugovorene strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 7.

Ovaj ugovor stupa na snagu danom potpisivanja od obje ugovorne strane.

Član 8.

Ugovor je sačinjen u četiri (4) istovjetna primjerka, od kojih obje ugovorne strane zadržavaju po 2 (dva) primjerka.

ZA IZVRŠIOCA	ZA NARUČIOCA
	
Šehzija Buljina Direktor	Mirsad Ceman Predsjednik
Datum: 13.3/15	Datum: 4.9.2015.
Broj: 18.9 2015 god	Broj: 73-313/15

